



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinque**

Bartoli, Daniello

Lvgdvni, 1665

II. Select. in c. Ita quorundam, de Iudæus, recognita & impressa Romæ
1586.

urn:nbn:de:hbz:466:1-10840

in auxilium vocatos animarum, ad solitudinem iuitare, cuius artificij scopus est, vt hac leuitate in exitium denique nos impellat, dum vias nobis ab iis pandit diuersas, in quas nos Christus induxerat.

II.

Select. in c.

*Ita quorundam, de Iudeo, recognita & impressa Roma
1580.*

Sunt hæc prima pietatis dictata, quæ sanctus fundator suis mandauerat, nec cuiquam obscurum est, quin tenui semine, magna mole arboris clauderent, usque quanta vis inesset, quæ consecuta sunt abundè ostenderunt; & quando hæc tacere non licet, commodius fecero, si testem eorum dederon Canonum doctorem eximium, limati iudicij hominem, claræque in Ecclesia probitatis Martinum Nauarrum, qui de nostrorum Conimbricæ Collegio agens, ita scribit. [Postea vero quam præfatam reelectionem composuimus, & pronuntiauimus, superiorique Epistola præposita eam typis excudi fecimus; rogati secreto extra Lusitaniam, nomine cuiusdam præcellentis Senatus, quid de præfata noua Societate sentiremus, & præfragremus; respondimus, nostrum de illa bonum iudicium, & præfragium plurimum confirmasse auxiliisque quiddam, quod per septennium, & amplius in collegio primò suæ Societatis Conimbricensi contigisse obseruauimus: & nobis pro quodam miraculo reputauimus. Nempe quod cum illud Collegium esset omnium totius Ordinis primum: & solum legibus naturalibus diuinis, & communibus gubernaretur; (nondum acceptis legibus, quibus libertas illa communis à religiosis arctatur,) cumque in eo centum & plures collegæ regio, & largo sumptu conuiuerent: omnes quidem scholastici, & iuuenes, ac eiusdem farinæ, cuius erant, qui foris degabant, atque omnes tanta libertate vterentur, quanta qui foris extra collegia, & monasteria viuebant: adeo quod liceret eis etiam solis diu, noctuque etiam non petita à Præfecto licentia, collegio, & ciuitate ad omnia pia opera, quæ Spiritus eis dictabat exire ad visendos omnes vtriusque sexus sanos, & infirmos, bonos, & malos, bona persuasuri, mala dissuasuri. Cumque fere vniuersa ciuitas, tota Ecclesia Cathedralis cum omnibus parochis, omnia monasteria, tam vitorum quam feminarum, & academia ipsa saltem tacite essent eis contraria; Cumque præfati omnes suapte natura essent acuti, curiosi, & suopte ingenio ad nolcendas res nouas, vitamque alienam propensi & ad solerter falsaque de more gentis dicendum prompti. Cum, inquam, hæc omnia ita se haberent: nunquam tamen toto illo tempore audiui aliquem, qui serio, vel ioco ulli eorum detraheret; neque aliqua vitij macula, illorum quempiam inspergeret præterquam nimia carnis mortificationis, & sensualitatis; nimis honorem suum, gentisque suæ despicioendo, pannosis vestibus vtendo, omniaque ministeria, sibi præcepta, quamlibet humilia, & fordia in utilitate sui Collegij libenter intus, & foris, priuatim, & publicè subeundo. Quodque nimis acriter, sed utiliter die, noctuque mundi vanitatem populo proponerent, clamantes, homines terram, puluerem & cinerem esse, quæ tamen detraictio satis perpensa magnæ laudis eis erat. Neque profecto abs re, mea sententia, mihi pro quodam miraculo visum fuit. Tam quod vix à saeculo auditum est aliquam fuisse

fuisse congregationem tot iuuenium , tam liberè degentium , inter tot clericos, monachos, scholasticos, & ciues ad mordendum propensos, & sibi exos-
tos , cuius aliquis tanto tempore aliqua vitij nota non inspergeretur; immo
cuius multi non infamarentur , caperentur , & priuatim vel publicè castiga-
rentur. Tum quod August. c. quantumlibet 47. dist. ad Vincent. Donati-
stam significat , rara esse collegia hominum , etiam parua , & seniorum,
quam sui erant , collegarum in quibus aliquis aliquo vitio non notetur in
haec verba : Quantumlibet vigilet disciplina domus meæ , homo tamen
sum , & inter homines viuo : nec mihi arrogare audeo , vt domus mea me-
lior sit , quam arca Noë , vbi tamen inter octo homines unus reprobis in-
uentus est : Aut melior sit , quam domus Abrahæ , cui dictum est : Eiice
ancillam , & filium eius : Aut melior sit , quam domus Isaac , cui de duobus
geminis dictum est : Iacob dilexi : Esau autem odio habui. Tum quod
ex quodam elegio Episcopi Osij, in c. Osius de elect. eruditissimus Nicolaus
Archiepiscopus Panormitanus colligit , quod licet nullus de populo singu-
lariter præsumi debeat in dubio malus : iuste tamen quis potest credere in
populo esse aliquos malos.

Præfatum testimonium subiicere voluimus , primum quidem in gloriam
Dei , & Domini nostri Iesu Christi , de cuius nomine prædicta Societas di-
citur ; quique in ea multifariam multisque modis ostendit esse vetum id,
quod quidam in gloss. cap. nisi cum pridem de renuntiat. verb. Spiritus ei
dixit.

Tu spiras ubi vis; tu munera diuidis, ut vis.

Scis, cui des quod vis, quantum vis, tempore quo vis.

Deinde , vt omnia alia collegia eiusdem Ordinis , iam per totum orbem
Christianum magna cum eius utilitate, atque mira celeritate propagata no-
uerint , quanto cum miraculo primam eorum omnium cœperit florere Co-
nimbricæ ; quæ Regum Portugalliae antiquissima est regia , & nunc aca-
demia florentissima inclyta. Postremo , vt meminerint , quantum contendere
debeant , vt quæ illi primo adiecerunt multa (vt ille ait) formidata
profunda incrementa Ioui : ita nomen , & famam in illo difficile ortu quæ-
sita semper conseruent , in diésque magis ac magis, quod faciunt , augeant,
quo respondeant ultima primis,]

Iam vero Constitutiones informans S. Ignatius (quod dicendū venit prius-
quam illa rum in dicemus designationem) res duas iunxit maximè disiunctas,
conacum summae prudentiæ , & spei Deo uno nixa velut otiosam fiduciam,
illumin perinde operi incumbens vt si ab se penderet uno ; hanc perinde à
Deo omnia expectans , vt si tantum esset Deo sibi distantē scripturus. Illa
ergo primū Examinis ratio cui cuncta subdebat de quibus esset decer-
nendum , singularem habet prudentiam. Vnumquodque in partes vocabat
oppositas , suis partem vtramque rationibus instruebat, nec paucis, nec leui-
bus quæ rem hinc legendam , hinc reiiciendam suaderent ; & in quadam
non admodum graui, vidi ipse octo in partem alteram , in alteram quin-
decim

III.